


# RI RIJA'LIL RI UTZIL KI'KOTEMAL



Ejemplar de archivo  
Instituto de Lingüística  
C.1

Anabella Giracca de Castellanos  
Mayra Fong Rodríguez

# RI RIJA'LIL RI UTZIL KI'KOTEMAL



Colección: Colección para la niña, No. 9  
Serie: K'iche', No. 8  
Directora de la colección: Lucía Verdugo de Lima  
Editora: Ana María Palma Ch.  
Autora: Anabella Giracca de Castellanos  
Ilustradora: Mayra Fong Rodríguez  
Revisión 3a. edición: Diego Adrián Guarchaj

© 1995. Instituto de Lingüística y Educación, URL, Guatemala.  
2001. 2a. edición.  
2004. 3a. edición.

---

Licda. Guillermina Herrera Peña  
Rectora  
Ing. Jaime Carrera  
Vicerrector General  
P. Rolando Alvarado, S.J.  
Vicerrector Académico  
Arq. Carlos Haeussler  
Vicerrector Administrativo  
P. Carlos Cabarrús, S.J.  
Director de la Dirección de Integración Universitaria  
Lic. Luis Estuardo Quan Mack  
Secretario General

"Rumal pa kijolom ri winaqib' kape wi ri  
ch'a'oj, xuquje' ri utzil ki'kotemal rajawaxik  
pa kijolom kape wi ri".

UNESCO

Jas che xchomax utz'ib'axik we jun wuj chi ke ri ak'alab', xa rumal jun ojer tzij jawi kilitaj wi chi ri usolik rij ronojel ri uk'ayewal k'o chi uwach ri uwach ulew xew kya'taj pa ri utzil ki'kotemal. Ojer tzij katzijox waral pa we wuj keriqitaj jalajoj täq jastää ri keto'on chi utz'ukik ri utzil ki'kotemal ri qas e rajawaxik pa ri jun utzalaj k'aslemal jacha täq ri unimaxik jun saqil k'aslemal, unimaxik ri utzalaj k'olem, ri ch'ab'en ib' to'on ib', ri ukowil k'u'xaj, ri junamam, ronojel ri junamil chi kixo'l ri winäq xuquje' ri jun saqil b'inem.


Ri najtir tzij kuya kan na'oj pa uwi' ri kik'ulumam ri täq tinamit rech ri ak'alab' kakichomaj saqil jas uchak ri katzijox chi ke pa we wuj. Sib'alaj rajawaxik kachomaxik we ta kaya'taj ri utzil ki'kotemal chi uwach we uwach ulew rumal are kajawaxik.

Anabella Giracca de Castellanos






E ka'ib' tinamit ri' ri e k'o pa jun k'olib'äl sib'alaj naj chi re ronojel ri uwach ulew, ri täq tinamit sutim kij ruk' je'lalaj täq juyub' taq'aj, je'lalaj täq kotz'i'j, je'lalaj täq che'. Kab'in ri sutz' pa kiwi', chi la' chi kaj ke'uka'yey wi ulo ri täq tinamit ri k'o jun saqalaj ub'e ja' chi kixo'l.



Pine' ri ka'ib' tinamit sib'alaj naqaj kixo'l,  
ri kib'anik, ri kichomanik k'extalik. Ri jun  
ch'aqap sib'alaj kaqapow ri kika'yb'al, ri  
jun ch'aqap chik sib'alaj säq ri kika'yb'al;



ri kich'ab'al k'extalikri'; k'onik'aj utzalaj  
täq xajawem kakib'ano, nik'aj chik xew  
kakaj kakitatab'ej b'isb'äl täq b'ix,  
xuquje' ma junam ta ke'chomanik.





Rumal ri jalajoj täq kib'anik amaq'el kech'a'ojin chi kib'il kib', rumal chi kijuunal ri täq tinamit kakiyak kib' jun kub'ij chi are ri' ri qas utz, je ri nik'aj chik je ri' kakib'ij ri'. Ma q'axnäq ta pa ri kina'oj chi xa jun ri kaqiq' kek'owpa kiwi', ri ch'umil xa jun kib'anom, ri ik' ke'uka'yej xuquje' xa jun.




Xek'ow k'i junab', ri uwach ulew kasutinik, ri q'ij kek'owik, ri ka'ib' tinamit  
xew kakimay ri kik'aslemal pa kitukelal. Maja' kakich'ob' ri' chi ri jalajoj  
kib'anik ri nik'aj winäq chik utz kato'on chi utzukuxik ri utzilal, ri tyoxlaj q'aq'  
chi kixo'l ri a're'.



Xq'ax ri q'ij. Xopan ri jab', kuchaqijisaj ri q'axel kaqiq', kel chi ulo ri q'ij...  
kopan uq'ij ri tiko'najik, k'a te ri' ri yako; ri täq tinamit junalik kech'a'ojinik,  
xew kakimay ri ub'anik k'ax chi kachib'äl kib'.





Ri ak'alab' kek'iyik, ri eye'm utzilal chi ke kumal ri tinamit, pa ri kik'iyik  
kech'a'o'ji n chi kuk' ri kach winäq, ma ketzu'un ta apon pa ri jun ch'aqap chik.






Jun q'ij xok jun itzel yab'il chi kixo'l ri ka'ib' tinamit, konojel xeyawajik, e k'i ri xekamik. Jun nimalaj b'is xkanaj kan pa täq ri kanima' rumal k'i ri xe'kanaj kan kitukel.



Pa ri ka'ib' tinamit ri winäq xkitzukur ri utzalaj täq q'ayes kunab'äl rech  
kekikunaj ri kachalal, e ma, ri winäq ma kekunataj täj, ma k'o ta ri utz kub'än  
chi ke. Pine' xok ri jun yab'il chi kixo'l junalik e k'o pa ch'a'oj.







K'a te b'a' xäq k'ate'q xq'ax jun na'ojinel  
tata' pa täq tinamit, xuch'ob'o chi k'o jun  
q'ayes ri kakowin chi ukunaxik ri jun yab'il  
kiriqom ri winäq. Are täq xkita wa' ri täq  
tinamit, xok ri ki'kotemal chi kixo'l, xa jun  
ka'ib' oxib' q'ij xuch'ijo, rumaj ri rija'lil  
ri jun q'ayes kunab'äl pa jun chi ke ri  
ka'ib' tinamit kariqitaj wi, ri kowinel chi  
uchajixik ri q'ayes xa jun chi ke ri tinamit.

Xeq'e'yetaj ruk' ri q'oxomal kiriqom, ri  
k'amol täq kib'e ri tinamit xkimol kib' rech  
ketzijonik. Xkib'an ri moloj pa jun  
chaq'ab'il tz'inin upam chi ch'umil, xuquje'  
ri utzalaj ukayb'al ri ik' pa kiwi'. Ri k'amol  
täq b'e are xekikoj ri utzilaj täq katz'yaq,  
ri kimujal sib'alaj utz rilik kab'an pa kiwi'  
ri räx täq q'ayes.








Are täq ketzijonik xkichomaj k'i uwäch täq na'oj.  
Xkich'ob'o chi ri qas rajawaxik utz kakib'ano are  
kakiya' uq'ij ri k'aslemal; xkichomaj chi are kakaj  
jun ki'kotemal pa ri k'aslemal petenäq, e ma we  
xew yawab' e k'olik laj ma kaya' täj ta ri  
ki'kotemal.


Xuquje' xkilo chi rajawaxik kakik'am kib' pa utzil,  
pine' ma junam ta ri kib'anik, are utz kakiloq'oj  
kib', rech kakito' kib'. Konojel xas k'o wi ri keto'on  
wi, ruk' wa' kakiya uchuq'ab' ri keta'mab'al, xuquje'  
ke'ux utzilaj täq winäq.

Ri ch'a'oj xkib'an na kanöq xrelesaj kik'ixb'al, rumal  
k'a te xkilo chi ri tzijob'en ib' are ri' ri kaya'ow  
ri utzilal, ri kelesan ub'i ri k'ayewal, q'oxomal  
xkiriqo. Konojel ri kalk'wa'l kamik pa utzilal chik  
kek'iy wi.





Xäq je ri' xkichomaj kojow chuq'ab' pa junamam, rech ruk' wa' kakiriq ri utzil, xuquje' kekunataj ri kiwinaq e yawab'. Are täq xkik'am kib' pa utzil, ri uwach ulew xki'kotik, ri q'ij xel ulöq. Xa jun xub'an ri kimujal ri winäq, k'a naj xopan wi ri unimal.



Nik'aj xkiya ulew, ri nik'aj chik xkitik ri ija'.






Xa pa jun chaq'ab', xek'iy ulo rāx tāq q'ayes chi uwach ri ulew xkitiko; ri wināq  
xeki'kotik, xekiq'upu ulōq, are ri' xkiya chi ke ri e yawab'.



Naj ta ri' xeyakatäj konojel chi upam ri yab'il, maj chi q'oxom xkiriqo.

Junam xe' kib'ana na ri utzil ri ka'ib' tinamit. Pajunamam, k'a te ri' xkich'ob' ub'e chi ri winäq k'o kijunamil, chi konojel pa junamam rajawaxik ke'chakün pa uwi' jun utzilaj uwach ulew jawi kaya' wi uq'ij ri rutzil ri winäq, ri rutzil ri k'aslemal.

Pa ri q'ij ri' are täq xkik'am kib' xkich'ob'o chi kakichakuj rij ronojel jas täq ri xkib'an kän k'ax chi re. Kakichomaj chi utz ri k'ayewal kik'ulumam: kakiyak tijob'äl kech ri kalk'wa'l rech chi la' utz kakib'ij ronojel ri kurayij ri kik'u'x, xuquje' kekitijoj konojel ri winäq rech utzil, to'onik.



Xäq k'a te'q ri nimaja' k'o chi kixo'l ri ka'ib' tinamit xchaqijik, xkinuk' kib' pa jun ch'aqap ulew, jun ulew rayib'äl uwäch, xa jun tinamit chik xkib'ano. Ri jalajoj täq kib'anik, kichomanik xuya k'ak' täq kina'oj: iri una'ojixik ri utzil ki'kotemal!












Esta publicación fue impresa en los talleres  
gráficos de Serviprensa, S. A., en diciembre  
de 2004. La edición consta de 300  
ejemplares en papel bond 80 gramos.





Universidad  
Rafael Landívar  
Tradición Jesuita en Guatemala